

১০০  
২০১৮/১৯

বাংলাদেশ নির্বাচন কমিশন  
নির্বাচন কমিশন সচিবালয়  
আগারগাঁও, ঢাকা  
www.ecs.gov.bd

নং- ১৭.০০.০০০০.০২৬.৩২.০০৮.১৯-২৩৬

তারিখঃ ০৮ বৈশাখ ১৪২৬ বঙ্গাব্দ  
২১ এপ্রিল ২০১৯ খ্রিস্টাব্দ

পরিপত্র-৪

বিষয়ঃ ভোটার তালিকা হালনাগাদ কর্মসূচি, ২০১৯ উপলক্ষে বিশেষ নির্দেশনা।

ভোটার তালিকা হালনাগাদ কর্মসূচি, ২০১৯-এ ভোটারযোগ্য ব্যক্তিদের তথ্য সংগ্রহ ও সুপারভাইজার কর্তৃক যাচাই কার্যক্রম ২৩ এপ্রিল ২০১৯ হতে পরবর্তী ৩ (তিন) সপ্তাহ পর্যন্ত অথবা শুরুর তারিখের পরবর্তী ০৩(তিন) সপ্তাহ ভোটারদের বাড়ি বাড়ি গিয়ে সম্পন্ন করা হবে। লক্ষ্যণীয় বিষয় হলোঃ তথ্য সংগ্রহের পর্যায়ে ০৪(চার) বৎসরের তথ্য সংগ্রহ করা হবে। এ কর্মসূচিতে প্রথমবারের মত হিজড়া জনগোষ্ঠীদের ভোটার তালিকায় নাম অন্তর্ভুক্ত করতে পারবেন। এ কর্মসূচির বিশেষ করণীয় নির্দেশনাসমূহ নিম্নরূপঃ

- ১। ২০০১, ২০০২, ২০০৩, ও ২০০৪ সালের ০১ জানুয়ারি অথবা তার পূর্বে যাদের জন্ম তাদের এবং বিগত ভোটার তালিকা হালনাগাদ কার্যক্রমে যারা বাদ পড়েছেন তাদের তথ্য নিবন্ধনের জন্য বাড়ি বাড়ি গিয়ে সংগ্রহ করা হবে। এছাড়া, এ কর্মসূচিতে ভোটার তালিকা হতে মৃত ভোটারের নাম কর্তন এবং আবাসস্থল পরিবর্তনের কারণে স্থানান্তরের তথ্যও সংগ্রহ করা;
  - ২। তথ্যসংগ্রহ কালে কোন ব্যক্তির তথ্য ফরম পূরণের পূর্বে তিনি ইতোপূর্বে ভোটার হয়েছেন কি-না তা অবশ্যই নিশ্চিত করা;
  - ৩। বাদ পড়া ভোটারদের ক্ষেত্রে বাদ পড়ার কারণ যাচাইপূর্বক নিশ্চিত হওয়া;
  - ৪। কোন ব্যক্তির নামের আগে বা পরে কোন পেশা, খেতাব, পদবি, অর্জিত শিক্ষাগত যোগ্যতা ইত্যাদি সংযুক্ত না করা;
  - ৫। ভোটারযোগ্য ব্যক্তির বাংলা নামের ইংরেজি বানান যথাযথভাবে লিপিবদ্ধ করা;
  - ৬। বাড়ি বাড়ি গমনের সময় ভোটারযোগ্য অনুপস্থিত ব্যক্তিদের তথ্যাদি অবশ্যই রেজিস্টারে লিপিবদ্ধ করা;
  - ৭। নিবন্ধন কেন্দ্রে আসার জন্য নিবন্ধন স্লিপ (ফরম-৫) ফরম পূরণের সাথে সাথে প্রদান করা;
  - ৮। সুপারভাইজার কর্তৃক তথ্যসংগ্রহকারীদের প্রতিদিনের তথ্য সংগ্রহের কাজ তদারকি ও নমুনা যাচাই করা;
  - ৯। সুপারভাইজারগণ তথ্য সংগ্রহকারীর পূরণকৃত ফরমের কিছু অংশ দৈবচয়নের ভিত্তিতে বাড়ি বাড়ি গমন করে শুদ্ধতা যাচাই করা এবং কোন ভুল ধরা পড়লে তা শুদ্ধ করা;
  - ১০। ভোটারযোগ্য মহিলাদের নিবন্ধনের বিষয়টি অবশ্যই নিশ্চিত করা অর্থাৎ কোন ক্রমেই ভোটারযোগ্য কোন মহিলা বাদ না পড়েন তা তথ্যসংগ্রহকারী ও সুপারভাইজার কর্তৃক নিশ্চিত করা;
  - ১১। নিবন্ধন ফরম পূরণকারীদের নিবন্ধন কেন্দ্রে উপস্থিতির বিষয়টি নিশ্চিত করা;
  - ১২। বিশেষ এলাকার জন্য তথ্য ফরম পূরণের ক্ষেত্রে বিশেষভাবে নজর দেয়া। বিশেষ তথ্য ফরম পূরণের সময় সংশ্লিষ্ট তথ্য যাচাই করে অন্তর্ভুক্ত করা হবে। বিশেষ এলাকাসমূহের জন্য তথ্য ফরম-২ এর সাথে বিশেষ তথ্য ফরমও পূরণ করা;
  - ১৩। এক এলাকা হতে অন্য এলাকায় নাম স্থানান্তরের আবেদন সংশ্লিষ্ট কাগজপত্রসহ ভোটার কর্তৃক রেজিস্ট্রেশন অফিসারের নিকট দাখিল করা;
  - ১৪। মৃত ভোটারের নাম কর্তনের জন্য ফরম-১২এ তথ্য সংগ্রহকালে সর্বোচ্চ সতর্কতা অবলম্বন করা। কোনক্রমেই জীবিত ভোটারের নাম মৃত হিসেবে যেন তথ্য সংগ্রহ না করা হয় সেজন্য সতর্ক থাকতে হবে;
  - ১৫। তথ্যসংগ্রহকারী ও সনাক্তকারীর জাতীয় পরিচয়পত্র নম্বর সুস্পষ্টভাবে লিখতে হবে; এবং
  - ১৬। কোন ক্রমেই যেন অপ্রাপ্ত বয়স্ক, রোহিঙ্গা এবং অবাঞ্ছিত ব্যক্তিদের তথ্য সংগৃহীত না হয় সেবিষয়ে সর্বোচ্চ সতর্ক থাকতে হবে।
- ২। উল্লিখিত বিষয়ে প্রয়োজনীয় কার্যক্রম গ্রহণের জন্য নির্দেশক্রমে অনুরোধ করা হল।

২০১৮/১৯

(মোঃ মোশাররফ হোসেন)  
সহকারী সচিব (নিঃসঃ-২)  
ফোনঃ ৫৫০০৭৫৫৪

- ১। সিনিয়র জেলা নির্বাচন অফিসার/জেলা নির্বাচন অফিসার.....(সকল)
- ২। উপজেলা/থানা নির্বাচন অফিসার ও রেজিস্ট্রেশন অফিসার, .....(সকল)